

राजा मालसाई विनाद

(कुमाऊँ कविता मे)



ठा० आनसिंह हरिसिंह एण्ड सन्स

लाला बाजार, अल्मोड़ा (उ० प्र०)

मूल्य 15/-

राजा मालसाई विनोद

(कुमाऊँनी भाषा में)

लेखक :
बागगिरी गोस्वामी

प्रकाशक :
डा० आनन्द सिंह हगी सिंह एन्ड सन्स
प्रकाशक एवं पुस्तक विक्रेता तथा देशजस
लाला बाजार अल्मोड़ा [उ० प्र०]

सर्वाधिकार प्रकाशक के आधीन है
एकादश बार २०००] मई १९८२ [मूल्य २५

राजा मालसाई विनोद

पंच नामा देवा तुम, है जया दयाल ।

गरीब पुकार पर, करी दिया, दयाल ॥

विष्णु भगवाना मेरी, सुगिया पुकार ।

हाथ जोड़ी अर्ज करनू तुमरा दरबार ॥

ब्रह्मा जी महेश गौरा, मेरी नमस्कार ।

शीश नवै हाथ जोड़ी, करनू पुकार ॥

गणेश जी विनती कुनू, हाथ जोड़ी बेर ।

विघ्न दूर करि दिया तुमरी मेहरा ॥

हिरदया सुमरण, सरस्वती माई ।

तमाम विघ्नू कणि, तुम दिया टाई ॥

तुमरा भस्म एग, कलमा उठानू ✖

राजा मालसाई को मैं दर्शन बनू ✖

जो कुछ गलतियां हनी, माफ करी दिया ।

मुख अज्ञान कर्णा, बात बने दिखू ✖

नौ लाख कत्यूरी कौ मैं, करनू सुमरणा ।
 जतु देवा साथ छिया, सबू की सरणा ॥
 श्री बागनाथा मेरी, धरि दिया ठेरा ।
 हरिद्वार सुमरण, ध्यान धरि बेरा ॥
 जतुक नमान देव, हाथ जोड़ी ध्यान ।
 दयाल है जया तुम, देवता नमान ॥
 धन धन प्रभु तुम, धन धन माया ।
 कतु कुलै जन्म लिया, कतू मरी गया ॥
 पैली बटि चली आया, कुम्भ हरिद्वार ।
 अस्नान कण आंछौ सारै सनसारा ॥
 हरिद्वार नाण आय, सुनपत सौक ।
 गांउली की साथ सजा, कुम्भ कौछी मौका ॥
 भोटौ कौ मुलुक वीक, भोटान्त कौ देश ।
 अस्नान कण आय, हमरा लै देश ॥
 हरिद्वार महिमा कै, आपारा बतानी ।
 ईश्वरा भगवाना जवा, दयाल है जानी ॥
 विदेशी मुलुक आय, सजी धजी बेरा ।
 गांउली सिंगार देखी, क्या कनू कै बेरा ॥
 गज कौ घम्यल वीक, पशमीण शाल ।
 भोटमा बतानी भाई, भौत धन माल ॥

मखमल कपड़ छै, फन्द रेशम का ।
 सिर में बिन्दुली वीकी, चुड़िया सुनका ॥
 नाक में बुलांग वीकी, बुन्दा कानों परा ।
 छातीमा जंजीर छाजी गला मजा हारा ॥
 दशा लै उंगली मजी, बीस छै मुनड़ी ।
 पुन्यों कसी जून हैरै गांऊली मुखड़ी ॥
 सुतली धागुली सवा मांगमा सिन्दूरा ।
 सुनका पीजिया हैला सब भरपूरा ॥
 सुनकी नथुली मज गीती छ जड़ीया ।
 जतुक जेवर हय, सब लै बढ़ीया ॥
 सबा आभूषण पैरी कपड़ा बढ़ीया ।
 इकलै ब बैठी रयी निछा दबड़िया ॥
 गांऊली सुरत देखी सब तरमनी ।
 धन धन यो तिरिया मन मनै कनी ॥
 गांउली सिंगार देखी दिल धड़ कूछा ।
 जाकी लै नजर लागी देखियै रै जांछा ॥
 धन धन तू तिरिया धन त्पर भाग ।
 धन धना इज बाज्यू, धन छा सुहाग ॥
 गांउली सुरत कणी ऐसी लै बनानी ।
 ज्याणी कसी हनली ऊ समझ निमानी ॥

रूप रंग वीक भलो, जलै कर दाना ।
 जा जसा करमा कील, वीक अनुमाना ।
 इनै दिनों गिवाड़ा में, कत्यूर लै रजा ।
 इनै दिनों सिलौर में, कत्यूरा लै रजा ॥
 खाती ज्यू की चेली हयी, धर्मा देवी नाम ।
 आज तक चलि रोछा, दुनियां में नाम ॥
 खाती ज्यू लै धर्मा व्यहै, धर्म देव कणी ।
 ईश्वरा का हाथ हयी, सबदा करणी ॥
 अब तुम अघीला का मुणीया वयान ।
 दयाल है जया तुम, ईश्वरा भगवान ॥
 श्री चन्द्रा रजी तवा, भरमाली कोटा ।
 सब दुख दूर हैजो, करमका खोटा ॥
 नामी नामी राजा हैरै, ठुला कारो वार ।
 आपण इलाक मजा, है रयी जिहार ॥
 अब भण नाण आया, कुम्भ हरिद्वार ।
 सैण आया साथ मजा, खुशी छै अपार ॥
 भरमाली कोटा बटी, श्री चन्द्र जवा ।
 घर बटी हरिद्वार बड़ा लागतवा ॥
 तीथी रास्ता मजा हैगे, भेटा दीनू कणी ।
 सयी सलामा हैई गेछा, भेटणी पाटणी ॥

द्विया रजा बटा पना, ऐसी कनी वाता ।
 हरिद्वार तक हय, यी हमर साता ॥
 राजी खुशी पुजी गयी, हरिद्वार जवा ।
 मुनपता सीका उती, बैठो रोछा तवा ॥
 गांउली में लागी गेछा, द्विनों की नजरा ।
 बिगड़ी गे होश तवा, ऐगोछा चक्कर ॥
 जरा देर मजा तवा, सचेता है जानी ।
 द्विया भण आपसा में, ऐसी वात कनी ॥
 पागल है गोय हमा, देखी इनी गाता ।
 कैकियो तिरिया हली, हनीला जाता ॥
 कसीता करनू भाई इनी हणी वाता ।
 को इनी मुलुक हल, कती हली याता ॥
 कसीका सुरत हई, कसी छा भागीणी ।
 मितरामी हई जानी, इनाका डो ॥
 इसोकी श्रीलाद हली, सुरज समाना ।
 दयाल है जया तुम, ईश्वर भगवाना ॥
 इनीकी यो चेली हनी, हम व्यहै ल्याना ।
 ईश्वर भगवान तव, दयाल है जना ॥
 कसी जून हई, इनी की सुरत ।
 कती बटी उड़ी आयी, मोहनी सुरत ॥

दिया भूषण नसी गयी, सुनपतै पासा ।

मितरामी कुल कवे करी रेखा आशा ।

सुनपत सौक हणि, ऐसी कनो वाता ।

• क्या तुमरी नामा भैया, क्या तुमरी जाता ॥

कतू दूर बटी आया, नाणा हरिद्वार ।

को तुमर देश हल, क्या करछा कारा ॥

सुनपत सौक कोंछा, सुण मेरी वाता ।

भोटक मुलुक म्यर, सौक मेरी जाता ॥

गाँउली सौक्याण मेरी, सुनपत नामा ।

भोटान्तका देश मजा लदानक कामा ॥

श्रीलाद कारण आयु, नाण हरिद्वार ।

परा कणी हमर छा, भारी कारो वारा ॥

ज्या करीना हरीद्वार, हरी ज्यू भहरा ।

ईश्वर भगवाना जवा, धरी दिला टेरा ॥

अब तुम बने दिया, पती लै अपणौ ।

क्या करछा कामा तुम, सब बने दिणौ ॥

श्री चन्द्र राजा कनो, प्योला मेरी राणो ।

बटा पना भेट है मे, खाती ज्यू दगड़ी ॥

उमरी य राणी हली, सिलौर का रजा ।

श्री चन्द्र नाम म्यर, करनू अरजा ॥

भर माली कोटा म्तर, पछौक मुलुक ।

कारा वारा बड़ो भारी बंराठा ईलाक ॥

हम लग आई रयू श्रीलाद कारण ।

मितरामी करी ल्युला करी के परण ॥

ऐसी वाता हयी रेखा आपसा ले मजा ।

सुनपता सौका तवा कच्छ अरजा ॥

सुनपता सौक कोंछा ठीक केंछी वाता ।

मितराती केकी कुला केकी न श्रीलादा ॥

केका लग नीता हया आजी नना तीना

जुमानता कर ल्याला ज्यो हल पछिना ॥

एती बटी हइ जाली हमारी जुमाना ।

दयाल है जैला जवा ईश्वरा भगवान ॥

असनान करी बटी सब घर गया ।

हरीद्वार बटी आया मित्रानो के गया ॥

सुनपत भोट हणी बटा लागी गोय ।

तवा विक दिल मजा ख्याल आई गोय ॥

जुमानता करी आयु पछ्यु दगड़ी ।

जब हई जाली गंगा हमारी तेरे दी ॥

कसोका रहली गंगा मुलुक पछौका ।

उनिको मुखड़ि हम देखुला कनीका ॥

धीं देखड़ो हली गंगा बारा लै त्यौहारा ।
 मुनपता कणी हैगे चेली की फिकरा ॥
 बड़े अफसोचा हय अन्न आयी ज्ञाना ।
 राता दिन पुकारू छा ईश्वरा भगवान्ना ॥
 सोचू मजा याद कुछ श्री बागनाथा ।
 अरज करूछ तवा जोड़ी बेरा हाथा ॥
 जसा कला ज्य करला हरी भगवाना ।
 आज प्रभु तुम म्यर धरि दिया माना ॥
 म्यर ता सौरासी हया सैणी का मैतूवा ।
 जोता नान हेल आवा विक मकोटिया ॥
 ज्य करला बागनाथा च्यल है जो च्यल ।
 ठुल हुई जाल जव पुज तने द्यला ॥
 धरि दिया आज तुम मेरी पति कणि ।
 रात दिन च्यलै की लै फिकर मकणी ॥
 च्यल है जो च्यल म्यर श्री बागनाथा ।
 अरज करनू स्वामी जोड़ी बेर हाथा ॥
 होनहार हैवै रेंछा भगवाना हाता ।
 आधीनै को तुम आवा सुणि लियो बाता ॥
 ओड़ा रता मजा मया सी जी मेहर ।
 गांडली की मास हगी मुनपत घर ॥

धरमा दे कणी जव दसो मास लैगी ।
 धामयो की घेराठ में पैली च्यल हैगी ॥
 बाद मजा गांडली की हई गेछा चेना ।
 मन मन मुनपत तवा गोछा जली ॥
 क्य हणी तु चेहेड़ो लै यां लिया जनमा ।
 हरीद्वार मजा मैलै जो खाई कसमा ॥
 विक परसादा लागो विक लागो भेद ।
 नीत जानों हरिद्वार नि हनी यौ खेद ॥
 निजानों हरद्वार जवा तू चेली निहानी ।
 गाई ढाई देयी बेरा चेली हैता कनी ॥
 क्यलका जनम चेली तू हमरा घर ।
 तू चेलिनी हनी जव नि हनी फिकरा ।
 जुमान में करी रेंछा पछो दय हणि ।
 ह्य तेरी सूरता आव धौ हली देखणि ॥
 तेरी मुखड़ी चेली धौ हलो देखणी ।
 कसी का व्यहुला चेली पप्पाउं तकणी ॥



अवा तुम सुणी लियो आधीनै की बात ।
 हरिद्वारा मजा हैगी खाती ज्यू की बाता ॥

बुढ़ापी उमरा हयो नन ता नी हया ।
 ईश्वरा भगवान तुम दयाल है जया ॥
 खाती जी की पैली चेली धर्मा देवी नामा ।
 वचन निभाण मजा आयी गई कामा ॥
 जिया की वैराठी मजा नौ लाखा कत्यूरा ।
 धर्मा च्यल मालासाई दुनियां मसूरा ॥
 जे बख्त वैराठा में मालसाई हय ।
 सुनक डांकुवां जसी धर्मा च्यल हय ॥
 कमलक फूल जस धोई कस फाटा ।
 सूरज उदया हैरो रंगोली बैराठा ॥
 रंगोली वैराठा मजा मालसाई नामा ।
 हे नाथा सुफल हैग भगवाना रामा ॥
 कुछ दिनों बाद भाई सुनपता घरा ।
 राजुली जनम हैगो है रैछ फिकरा ॥
 सुणी लियो भाई लोगो राजुलै की बाता ।
 रातक लें दिन हैरी राजुला परसाता ॥
 सुनपत सौक तवा ऐसी कुछ बाता ।
 च्यलुक तरफ बटी पड़ी गेछ राता ।
 चेली लै वनम लिवं कस दुख दिया ।
 विलापा करुछा कौक भरी आय हिया ॥

ऐसी जनमा चेली हिरदै कौ कानी ।
 दुख सुख कंको कैंला कसीक निजानो ॥
 मुखड़ीक तप हैरो पुन्या कसी जूना ।
 पाइङ्ग की आंठी जसी पिरु कसी बुना ॥
 सुनपत सौक कणी हई गे फिकरा ।
 इथां उथां कण लाग राजुला जिगरा ॥
 जहां यौं हमरि चेली उनू लै लिजाणी ।
 तहां कथें करी छुला मांगड़ी जांगड़ी ॥
 सगाई है जाली जबा पर्या बाना कैला ।
 मंगिया पै चेली कणी कय हणी लीजैला ॥
 मिटी जाल मयर कान दिल की फिकरा ।
 पंछयू है वेरा मैता है जौला निडरा ॥
 एक चेली हई गंगा बुढ़ापी उमरा ।
 दुख सुख मजा लेली हमरी खवरा ॥
 नजीका ब्यबौला त्यकै मुलक अपण ।
 सुनपत जाँछ तब बर लै खोजण ॥
 मेरी नानी हई रैछी आजो छा नादाना ।
 रूप मेरी राजू लक देविका सामाना ॥
 मारे दुही हाचा तवा भोटियक देश ।
 आपण मुलक दख हूणीयोँक देश ॥

कथै लै निलागो कुछा व्याऊ की जुगुती ।

राजुला कारण मैलै की लै भुगुति ॥

क्वे वतानी चेली खोटी क्वे वतानी मैती ।

खोटी चेली हली एकी तव आया येती ॥

या हनली हुनि कांणि लंगड़ी हनली ।

निआनी खोजण वर चेली हती भली ॥

कोत आया आज तक वर कै खोजण ।

के हनला दोप उमै यत आख कणा ॥

सब जग वटी सौक निरासा ज जाँछा ।

आखीर नगर कोटा सुनपता जाँछा ॥

बीती एक हय भाई रुहुवा हुणिया ।

सुनपत हांति कुछ कृतीका जणीया ।

वर मै खोजण आयु सुनपत कुछ ।

आपण मनम तवा हुणी खुशी हूँछ

आव तुम मुणी लियो हुणियका हाल ।

वट जस सिर वीक गज भरी वाला

सुप जसा कान वीका लका जसा आखा ।

वट जस फुट वीक न जमी नाखा

भैसा कसा ऊँठ वीक मन की छा डेर ।

होल जम पेट हयो तीन गजै फेर ॥

यस हय रुहु हुणी कय बात बनानू ।

अजीव चलण हय का तक लखनु ॥

सुनपत सौक हणी येस बाता कनी ।

चेली कणी हुनणता च्यल वाला आनी ॥

जो आया हुनणा तुम खोटी चेली हली ।

या हनलो हुनी कांणी या लंगड़ी लुनी ॥

सुनपता सौक कुछा सांची कुनी बात ।

लुली वै लंगड़ी चेली कमनी छा जान ॥

पैली देखी लियो तुम मेरी नानी कणी ।

सरुपा राधिका जैसी देखणी चाहणी ॥

रुहुवा को बाबा तवा लागो गोय वट्टा ।

एक हाता दैकी ठेकी एक हाता लट्टा ॥

पाईझ की आंठी धरी कनम पसमीणा ।

वट्टा लागो गोछा तवा राजुला देखण ॥

तवा आई गोछा हुणी सुनपता घर ।

राजुला पै लागो गोछा हुणिया नजर ॥

देखी वै हुणिये कणी आई गो चक्कर ।

सूरज उदय हैगी सुनपता घर ॥

थोड़ी देर भज तवा सचेतो है गोछा ।

आपण मनम तव ऐसो बात कीछा ॥

धन धन म्यरा भोगा कैसी बबारी मिली ।
 बुझापी जगद मज्ज रोटी पके देखी ॥
 म्यर तै स्वरभा हल हनी देखी बटी ।
 भली बाना मिली गेछा क्य कुनु कैवटी ॥
 हुणी तबा बात कुछे सुनपता हांत ।
 कभणी बराता ल्युला सांचो बता बात ॥
 सुनपता कुछ तबा सुण मेरी बात ।
 आजि नानी मेरा चेली क्या ल्याले बरात ॥
 मांगणी जामणी के बें बरात पछिनां ।
 आज बटो हई गेई य तुमरी बाना ॥
 मानी गौछा हुणीयता सुनपता बाता ।
 पक्का छा कबुल कुछ सुनपतें हांता ॥
 बट्टा लगी गोछा हुणी पूजी गोछा परा ।
 दयाला है गई कुछा देवता हमरा ॥
 सुणी ले तु बात कणी सुण चयला म्यरा ।
 जयाने हई गयी चयला स्वरग हमरा ॥
 भली बाना मिली चयला भली छा सुरता ।
 क्या बतानु म्यरा चयला मोहगी मूरता ॥
 उनकी सुरत देखी चक्कर आ गोय ।
 बबारी कणी देखी चयला चाहिए रे गोय ॥
 क्या बतानु मेरा चयला सुण सब हाल ।
 सरूपा राधिका जसी गज भरी वाला ॥

चयल चाप खुशी है रे भन मत मझा ।
 कतु साला धोत गई बात बात मझा ॥
 अब तुम सुणि लियो माफिला क्यान ।
 बेराठ में मालसाई है गौछा जवान ।
 धीरे धीरे राजुला तो है गेछ हुस्मार ।
 क्या कणी उमर हेगे दुनियक कार ।
 सुणी लियो भाई लोगों एक दिन बाता ।
 हुणीता निहणी हैवा ईश्वरा का हाता ।
 दयाला है जया तुम ईश्वर भगवान ।
 भोट मजि राजुलता है गेछा जवाना ।
 एक दिन राजुला के आधी रात मज ।
 कसौ लै देखीछा तबा स्वीणा रथों मज ।
 मालसाई दगड़ा छा कनी कुछ बात ।
 सुण मेरी बातों कणी तिरिया की बात ।
 बेराठ में स्वीण हैगो मालसाई कणी ।
 आपसा में बाता है रै हिय हंसो कपो ।
 सुणी से राजुला कुछ मां बावु जुनाला ।
 सारी पाता बतानु में धरो लिये ध्यान ।
 त्वर म्यर इजा बाज्जू हरिहार गया ।
 मितरामो कूल कैवै कोला करो माया ॥

त्तर म्पर जड़ छा य धीतिक परमात् ।
 ईश्वरा दयाल हयी दिले हैचा याद ॥
 जय करली कोल कणो जरूर निमाण ।
 जस हल देखी जाल दि दिन वचन ॥
 त्यस्ता बाज्यू लै तेरो सगाई कै हैचा ।
 इजा बाज्यू कोल अबा कसिका निभेचा ॥
 ईश्वरा भगवान तुम घरि दिया पति ।
 हरिदारा कोल छिया तब आयो बेलि ॥
 सात दान की तू हेली मुनपत चेली ।
 जस हल देखी जाल वचन निभाली ॥
 चेली हली मानी जाली निमानली जव ।
 तिकणी व्यवहूला मुषा भोटा साधि तवा ॥
 व्या है जाल त्तर म्पर वचन निभल ।
 त्तर म्पर ओ राजुला कस जवड़ हल ॥
 भोट मज राजुला ता जागत है गेछा ।
 बेराट में मालसाई नीन टुटि गेछा ॥
 द्विय भण मनु मजा विचार करनी ।
 आपण माभुक पासा दिया भणा जानी ॥
 राजुला आपण मां है करीछ अरज ।
 मुज मेरो इजा कैछा वरी वे धीरज ॥
 बेलियक रात इजा मेकें है सपना ।
 ये है बेरा भेद इजा तू छिपयें भजा ॥

क्या तुमलै करी इजा हरिद्वार कोला ।
 पछु दयदी करी व्या करी ककुवा ॥
 सोधी वने दिनी इजा आपसी जवान ।
 क्य ककुवा कैछ इजा करि ले तू ध्यान ॥
 कतिका ककुवा बेनी क्ये करीछे वात ।
 कस हय स्वैन निके वेदिये क रात ॥
 निछा क्ये इमान बेनी नै मुठ ककुवा ।
 काले शक डाल निके ओ मेरी राजुला ॥
 स्वपनों की वाता बेनी निमाननी बेनी ।
 उलटा उलटा सपना ता भौत हुने रनी ॥
 अत्र तुम मुनि लियो मालसाई, धान ।
 मा हाति अरज कृष्ण जादी बेर हान ॥
 मुज मेरी इजा कनु खास छाय वात ।
 स्वपनना दई इजा बेदिया की रात ॥
 स्वपना में देखी इजा में जेना राजुला ।
 क्यल नया क्ये इजा जव बेनी लुला ॥
 सोधी वने दिग इजा भेद नि छिपाव ।
 दि दिन वचन इजा किलकी चुपाव ॥
 कैलता की छिया दश हरिद्वार कोल ।
 मुनपता हाति कीछ पिनरामी कोल ॥
 वे दिन की वात इजा प्रकटा है गेछा ।
 मुनपता घर मज चेली हेई गेछा ॥

लो राता खाणा मडि मकणी मिलीछा ।
 मालसाई इजा हानी ऐनी वाता कैछा ॥
 तैत करी कोल च्यल निगोय हरिद्वार ।
 कपणी की कोल च्यल कपणी करार ॥
 गलिकी छी मुनपत हम नी ज्यलान ।
 ना हमरो वात च्यल सोचो सै बतानु ॥
 इमान मालसाई मां की एक बात ।
 राजकुल ध्यान हैरो दिन दिन रात ॥
 तै जिव करी रैछा आपणी मां हणी ।
 किले नि बतानी इजा के हैनी तिकणी ॥
 तु समझाय मां ले निमानत लव ।
 महेड़ी हुकम लाग बन्द करो लव ॥
 मालसाई बन्द करी कमर भीतर ।
 मालसाई कणि हैरो राजकुल पिकर ॥

२

हैमो मालसाई कछा विचार ।
 कैले करी हनयो छ कोल हरिद्वार ॥
 जौ जौ कबल हली म्यर पितर की ।
 मययोग करी दिया मेरी राजकुल की ॥
 मा करनु क्या जानु रमा म्योना हया ।
 हला म्यर दल देवा राजकुल मिलाया ॥

देवीक सुमरण कुछ, राजकुल ध्यान ।
 पड़ी गेछा भीन लवा, मुणी भगवान ॥
 उड़ी गौछ हम नव, यनिगी भुगुति ।
 राजकुल कारण तुले, कस ले भुगुति ॥
 पछ रेगी भुगुन छा, उड़ि गो आकाश ।
 करण ले गौछ तव, राजकुल तलाश ॥
 उड़ने उड़ने नैगी, मोटासनक देख ।

राजकुल महल मजा, कछछा प्रवेश ॥
 धड़ मज बंटी गौछा, भुगुने पंच रंगा ।
 देखी बटी राजकुलको, ध्यान हैगी भंगा ॥
 ऐसी वाता आस में, राजकुल करीछा ।
 को देजे भुगुती हली, कावे आई रैछा ॥
 पचरणी पछा मयी, को देश का हय ।

कस रूप रंग यक, ईश्वर की दया ॥
 को त्यर मुलुक हल, हेनु रंग वाली ।
 मुलुक मुन्दर तु छे, देख कस हली ॥
 कस कस रंग त्यर, मुन्दर छा गाता ।

राजकुल भुगुने हें, ऐसी कैछा वाता ॥
 राजकुल का हाल देखी, क्या कनू के बरा ।
 मुन्दर भुगुन देखी, नसीमे मिलेरा ॥
 वादी की कटोरी मजा ल्याय खाण पिण ।
 कसि य भुगुति हली, देखण चाहण ॥

पंच रंगी बछे आलो, राजकुल नजोका ।
 तेरी बोली कभी पछो, समझू कसोका ॥
 पुष्टुतना लागी रोछा राजकुल का ध्यान ।
 आज मैं सुनिया तुम ईश्वरा भगवान ॥
 क्या धना करनु आव'थो बागनाथ ।
 कसी २ समझनु प्रभु पुष्टुति को आता ॥
 इसी को मंतुवां हलै, साव बागनाथ ।
 म्बर हलै मोकौटो तू, आज दिखे साया ॥
 समझो जू बोली एकी, आई -ो में जाना ।
 सुनो मेरी अंज आजा, ईश्वर भगवान ॥
 भारी भारी नेतरा डोड़ि, करछा पुकारा ।
 नकमी ला दिला खरा, पंचरंगी परा ॥
 राजकुल पुकारा तूने, बागनाथ दवारा ।
 कती बटी आई कनी, दुखो को पुकारा ॥
 श्री बागनाथ तवा, दयाल है जानी ।
 तैं बखता राजकुल के पुष्टुति बनानी ॥
 ईश्वरा भगवाना तुम दयाला है जया ।
 बुखियका दुख कनी, ऐसी कं मिटाया ॥
 सब बनी गोय रामा, दि हंस को उदड़ ।
 मन कसी हई नई, आकाश में उड़ ॥
 खुशी हई गोछा भाई, राजा मालसाई ।
 हे ईश्वरा भगवाना कसी जांही हई ॥

दि हंसों की जोड़ि सब, उड़ै आकाश ॥
 दिखे हया पुका नई, हिमाचल पास ॥
 आकाश में लै हाथ, पंचरंगी परा ।
 उड़ने उड़ने नामी, मान सरीखरा ॥
 मान सरीखरा बाट, जुहारा मुनखरा ।
 सोन मज केसी तवा, सारे खनखार ॥
 मुनखरा जंगल बटी, मरी है उड़ान ।
 उड़ने उड़ने आमी, मटकौटा आन ॥
 अब लागी गोंछ हंस, मालसाई देख ।
 मनही बिछोड़ कैक, मना ही प्रदेस ॥
 ऐसी जोड़ी मज है जो, रहै सनातना ।
 दो समु बिछोड़ रामा, कसै हजी मना ॥
 अब लागी गोंछ मुका, मालसाई मित्राड ।
 रंगोली बैराट मजा, राम मना गाड ॥
 ये मेरी बैराट मुका, ये म्बर नहला ।
 उड़ने उड़ने सब, बान बरै हया ॥
 उड़ने उड़ने जवा कापिस है जानी ।
 आकाश के राजकुल के सब दिखै गया ॥
 दिखे मज भंड हपो वापिस है जानी ।
 मालसाई राजकुल है सब कस कनी ॥
 मुन मेरी राजकुल न मेरी बानी कनी ।
 नकमी मिलनी मुका न आव कथनी ॥

कसी हैती ब्या हुपर कसिक तू आनी ।
 रिजा तू वनन भिक कसोक मिलनी ॥
 श्री बागेश्वर जब म्यल ले जापूछा ।
 सारे भोट पानी पछी देखण ले आछा ॥
 तुलें आये बोनी गुवा मिलिये मकणी ।
 बोनी बटि घर हणि नि उला सिकणी ॥
 इफलें तू आये गुवा मांख ले नि ल्याण ।
 बागेश्वर म्यल मजि जरूरें मिलण ॥
 उइने उइने हरी श्री बागनाथ ।
 अवा छटी गोछ हुंसी त्यर म्यर साथ ॥
 कसीका में उला स्वामी बागनाथ म्यल ।
 म्यर बाण मिकणीता कसीक भेजल ॥
 इकले में कसी श्रीला तिरिया की जात ।
 गया बहान कुला स्वामी बते दिया बात ॥
 मालसाई राजुला हों कुरुछा वयान ।
 निज्याणनी मेरो मुवा तिरिया बहान ॥
 एक दिन मजा हनी कनुक चलण ।
 मैं ब्रतानु तिक मुवा तिरिया लक्षण ॥
 पेट पीड़ा सिर पीड़ा दिलका वीमारी ।
 दुनिय का जरा मथा सबै सेंणी पारी ॥
 छाव ले भपट हय देवता मसाण ।
 को ज्याणि स्कूला मुवा सेंणी छम बाण ॥

मुक बहान हनी एमुक बताया ।
 नीरिया जमि मुवा, कनुका जे हया ॥
 मजीमे बाण कणी, आबना राजुला ।
 मालसाई हान कैछा, जपर में आनी ॥
 मुला हे मंछा अवा दिया भण जमी ।
 अपराजा नउ हय, आण ले कावनी ॥
 बा जा तू घर हणी रहय मयिक ।
 जरूरें तू आये गुवा, उतिक कोतिक ॥
 सीक छोड़न कैछा में मुवापो साथ ।
 मेरी पती, अर दिया श्री बागनाथ ॥
 हया पछी उइ गयी उइनी आकाश ।
 आपण मनम दिण है रयी उवाश ॥
 न हवी स्वामी कैको यम निरसागा ।
 धन धन ऊ तिरिया जे कैछा मुहागा ॥
 आपण आपण घर दिया भण गया ।
 मालसाई बेराठ में जागता है मया ॥
 आपण मां हती कुरुछा गुण मेरी वाता ।
 कव हुंछा इजा म्यल श्री बागनाथ ॥
 सी जाण ओतो इजा कोतिक देखण ।
 राजुला ले आण बोली मकणी मिलण ॥
 मणी ला म्यल इजा बते दे मिकणी ।
 बेराठ में लूला इजा, में राजुला कणी ॥

तब कये च्यल इजा जब येती-ल्यूला ।
 जस हल देखी जाल राजुला व्यहूला ॥
 मानी जा तू म्यर च्यला निकरना हट ।
 किनका तू जांछे च्यला बटका अबटा ॥
 नकरा नकर च्यल राजुलकें ध्यान ।
 कय है गोछा तिकै च्यल म्यर कय मान ।
 नि मानून मालसाई सां कि एक बात ।
 गुस्स में भरी गेछा तिरिये की जात ॥
 महेड़ी हुकुम लाग सारा दरवार ॥
 मालसाई वन्द कर, जो नि आवा भ्यार ॥
 छै कमरा छोड़ी बटी सात, मजा धरो ।
 माख लै जो नि जैसक यस वन्द करो ॥
 मुनका पलंग, लागी रेशमी कपड़ा ।
 मालसाई वन्द हैगो कवे निछा दगड़ा ॥
 खात्कुली कुकूर धर विक दवार पार ।
 और धर काग एका विक चौकीदार ॥
 कवे निजा सकुन भाई मालसाई पास ।
 राजुला का बिन आवा हैगोछा उदार ॥
 रुनै रुनै मालसाई है गोछा हैरान ।
 दयाल है जया तुम ईश्वरा भगवान ॥
 रुनै रुनै मालसाई पड़ी गेछा नोन ।
 ईश्वर भगवान अब कय कनी आर्धान

भोट मज राजुलता, सचेता है गेछा ।
 सुनपता हांता तब ऐसे वात कैछा ॥
 स्वप्ना हयी बाज्यू वेलीयका रात ।
 भेद निछापण बाज्यू सांची कया बात ॥
 कौल करौ हरिद्वारा तुमुलै कभणी ।
 पाली पछौ रज मिल स्वोणम मकणी ॥
 भुन लिये मेरी चेली पाली पछो नाम ।
 निगोय हरिद्वार चेली मैं निहाती फाम ॥
 किले कंछा बाज्यू म्यर पाली पछौ नाम ।
 पछ्यू दगड़ी बाज्यू क आछा जुमान ॥
 छे छा विखिल चेली मुलुक पछौक ।
 बड़े उल्टी रीत वेति नाम निले वीक ॥
 विखिल छख बाज्यू मुलुक पछौक ।
 किले कंछा खाली बाज्यू बदनाम वोक ॥
 उल्टी रीत बीती मकणी बतान ।
 तको बदनाम बाज्यू खाली लै निकण ॥
 बोती चेली सात लै मऊका ।
 सनज्याती चीज ओती कतूक घरूका ॥
 गोंका एक तौ में रोटी लै पकानी ।
 पछौक मुलुक चेली यस लै बतानी ॥
 धन उ मुलुका धन वीक भाग ।
 जति मिली रौछा बाज्यू सब भणु राग ॥

कतुक हनल बाज्यु, उनू मज मेल ।
 मैं खेचल ऊ मुलुक, एतुक रंगील
 राजुलै को सुनपत, एक नि सुणत ।
 हिरदमा लागी गोछा, चेहणी का कान
 मुण मेरी राजुला हू, मैं तीकें बतानू ।
 आपणी विपता चेली, तिकणी लगानू
 एक बार मैं लिंगोय बकरू लदान ।
 बकरू का सिर खटा काटी देई कान
 एतुक बिखिल चेली, उ मुलुक हय ।
 भल छा काँ बटि चेली, तुलै कसी कय
 तुमुलै कय कय बाज्यु पछयु लै कणि ।
 बिन बातै कवे निछना दुःख लै कैकणी
 एक माण लूण दिवै छै माण जों लिया ।
 तबता उनूलै चेली कान काट दिया
 फिरी लकी भल बाज्यु उ मुलुक हय ।
 नि कवी बुराई बाज्यु, उ मुलुक हय
 बोती बटी गाय चेली, चौकोट इलाक ।
 एक माण लूण दिया, दि माण धानुक
 बकरू का खुटा चेली बोती टोड़ो दिया ।
 पछौक मुलुक चेली सारें छा देखिया
 फिरी लकी भल बाज्यु चौकोटा का मैसा ।
 जनूलै ता आण दिया आपण लै देश

चौकोट वें आय चेली मुलुक द्वारहाट ।
 उनू लैता बकरू का सय सिर काट ॥
 भल हय भाग बाज्यु दया करी गया ।
 सिद सादा मैसा बांका बचि बै ए गया ॥
 भोटक मुलुक हय सय मारी दिना ।
 बिखिल य भोट बटि कवे घर नि जना ॥
 यस छा बिखिल भोट जादू को भरियो ।
 पछौ की बुराई बाज्यु कसिक कें दिया ॥
 निमानंनी चेली जवा न्हैगे मां का पासा ।
 कब लागू मयल इजा बागनाथ खास ॥
 आजी भौत दिन चेली कोतिका का हय ।
 ईश्वरा भगवान तुम दयाल है जया ॥
 जरा दिन रह गया कौतिका का जव ।
 मनमा फिकर हेंगे राजुला का तवा ॥
 मयहांति चलिये कोछा तिरिया चरण ।
 क्या लगु बहान अवा कय वतु लक्षण ॥
 राजुला बहान लाग पेट पीड़ हेंगे ।
 राजुला का मां बापु कै खबर मिलीने ॥
 कसी पीड़ हैरे चेली गाउंली पुछिछा ।
 हाता जोड़ी राजुला ता अंरज करीछा ॥
 मरी जानू मेरी इजा रहये भलिक ।
 नि देखण पाय इजा बागनाथ कौतिक ॥

हिया भरि आय मांक चेहेड़ी क दाग ।
 मय लक लगेछे चेली ज्योन जिया आय ॥
 मुनपत समझी गो राजुला की चाल ।
 गुरगा गजि भरि गोछ आंखी हैगी लाव ॥
 बार विष मंगै हाकी राजुला खिलानी ।
 साचि लै गुठिकी तब पच्छयाण लगानी ॥
 भुटि छिया पीड़ वीकी मरण भै गया ।
 मरी जानू इजा अब अरज करीछा ॥
 मयर गोय दुख इजा तू यनिकु रये ।
 खये पिये मेरी इजा शोक भन कये ॥
 राजुले की बात सुणी हिया भरी आय ।
 बार विषा राजुला का उतारी लै दिया ॥
 नि वताण सैणी कणि आपण विश्वास ।
 निकणी तिरय की के बात की आशा ॥
 फिर कैछ पीड़ पीड़ अब मरी जानु ॥
 एक लै आवाज वाज्यु आई मयर कानु ॥
 श्री बागनाथ मयरा कनी कानों परा ।
 मैता लागी रयु कनी राजुला तपारा ॥
 त्यरता वाज्युल एक क रैछी जुगान ।
 पूजा छुला बागनाथ है लाली सन्तान ॥
 भुली गया मैके तुम तब यस करो ।
 पूज दिण यां नि आया वीक फल हैरो ॥

माख लै निल्याण पावे, दघड़ आपण ।
 होई कवी मयर वाज्यु, कै रौछी परण ॥
 होई कुछ मुनपत, चेलिका कारण ।
 यस हनी भाई लोगो, सैणियों चलण ॥
 राजुला मनम जब, खुशि हैई जैछा ।
 आपण मां हांवा, तब ऐसी बात कैछा ॥
 जब आली मिकै इजा, बोति क्वे विपता ।
 को करलो मेरी इजा, बोती लै मदता ॥
 यस कनी मेरी इजा, गाई लै तारीछा ।
 कि मयर नामक इजा, दान करी दिछा ॥
 एक एक कनै सब, दान लै करनी ।
 चेलिका व्या मजा भाई, जनु दान हुनी ॥
 जो जो दाना हनी भाई, सब करि हाल ।
 यस हनी भाई लोगो, तिरिया की चाल ॥
 राजुला मां हात कैछा, मेरी इजा

राजुला देखण लैरै, पुन्यो जून कसी ॥
 गुड़, डई तेल थवड़, सुनक छतरा ।
 चान्दीका धुपिण लिया, चांदीक पतरा ॥
 पुजक समान लिबैं, बट्टा लागी गेछा ।
 वोकीय कौ ज्यौड़ थाम, खुशी हैई गेछा ॥
 बैठी रये मेरी इजा, मैं बेर ऐ जूला ।
 ते बिना मैं यतु दिना, कसीक रहूला ॥
 बट घटा पन चेली, बरा बरी जये ।
 पूजा करी बेर चेलि, वैंरैं लौटि आये ॥
 बटा लागी गेछ तब सुनपता चेली ।
 फुलीया वुरुष जसी गुलाब कैं कली ॥
 रुण लारै राजुलता, आस लैं ढोइछा ।
 आधीलैं की खुटो कणि, पछिन धरीछा ॥
 ऐसी शोभा देखि रेंछा, लक्ष्मी समान ।
 धार कसी जून हई, लट्ट कसी थान ॥
 घर बटि दूर जव, राजुला न्है गेछा ।
 बकरैं की पाठी तवा, छोड़ी भली हैछा ॥
 बागनाथा राजुला हैं, नाराज है गया ।
 मालिसाई बैराठा में, रेईया रै गया ॥
 उनरा निमित ल्याछी, बकरैं की पाठी ।
 भुली गेछ राजुलता - बागनाथें बाटी ॥

तब ता निहना दिया, दिया भणु साथ ॥
 दौड़ने दौड़ने नागें, भौत दूरा जवा ।
 हिल मोती बिल मोती, देखि हाली तवा ॥
 राजुला ममक चेली, ऐसी बात कनी ।
 कती की चचकारी हली, येसी वन ठनी ॥
 पछयाणी गी राजुला कैं, जवा द्विया दैणी ।
 यता छै राजुला कनी, हमुलै नि ज्याणि ॥
 सुण मेरी दीदी कौनी, आज कती जाण ।
 हमु कणि आज दिदी नाच दिखे जाण ॥
 राजुला नाचण लागी, उनू हैवे दूर ।
 इन्द कसी परी हैरे, राजुला भरपूर ॥
 खुटका घुंघुंर तवा बजाण, लैं गेछा ।
 सुन चांदी जेवरा कैं चमकाण लैं रेंछा ॥
 ऐसी शोभा हैई रेंछा, पुन्यो कसी जून ।
 पाइंगा आंठी जसी पिर कसी वून ॥
 राजुला का हाल देखी है गई बेहाल ।
 आव तुम सुणि लियो, आधिल का हाल ॥
 रमोलिका कोटा जवा, राजुला ऐ गेछा ।
 सडुवा रमाला तब ग्वाव आई रोछा ।
 वीकी लै नजर लागी राजुला पैं जवा ।
 होसता बिगड़ी गेछा, सडुवै को तवा ॥

धन धन य तिरिया, धन तेरी माई ।
 पुन्यो कसी जून सुवा, कती बटि आई ॥
 कसीक मनानू आव य तिरिया कणी ।
 फिकरता है गे आव इनीकी मिकणी ॥
 तव कुछ सदुवता एक खुटी नाचा ।
 आंख बूजी वेर तव मुखली बजाछ ॥
 वारा विषी बकरता नौ विषी दिवरा ।
 लंगै भला बल कुछ य तिरिया परा ॥
 हिट म्यरा घर सुवा मेरी राणी हली ।
 और वामा मैं करला तू रोटी पकाली ॥
 वार वीसी बकरता नौ विषी दिवरा ।
 मैं काटुला घास पाता तू कली खवरा ॥
 मुमकिना निछा केछा त्यर यस कणी ।
 मैल व्याव वागेश्वर जरुरे छा जाण ॥
 सदु कुछ निमाननी तू कती जणिया ।
 मारी हाचा जादू तव खुट वादणिया ॥
 नि डठे सकनी जब खुट लै राजुला ।
 अब तुम सुणी लियो सदुवा का हाल ॥
 हंसी गैछा राजुलता सदु देखि वेर ।
 खुशी हुई सदु हंस मुख खोली वेर ॥
 फकीछा जहर तव राजुला सौक्याण ।
 सदुवा का तौ तवत उडनी पराण ॥

एक धार लट्टी पड़ी कवे धार कामई ।
 छुटी गेछा हात बटी रंगीला बांसुई ॥
 ऊतारला कुछ तवा, त्यर जादू कणी ।
 मैं हाथा जोडनू अब तू बचा मकणी ॥
 उतारछ जादू जब आफी हू अचेता ।
 दया आगे राजुला के करीछा सचेता ॥
 बट्टा लागी राजुलता जंगल बीचम ।
 विचारा करीछा तवा राजुला मनमा ॥
 घनघोर जंगल छा आव कथां जाण ।
 शेर या वागैलौ आज मैं जरुरे खण ॥
 म्यरता इजा लै कोछी नजा चेनी बीती ।
 मरहणी आयी गोय आज मैं लै येती ॥
 जंगल बीचम रामा रुधन मचैछा ।
 इजका वचन कणी याद लै करीछा ॥
 बटा लारे राजुलता मालसाई ध्यान ।
 पूजी गे राजुला आव बागनाथा याना ॥
 राजुलकौ रूप रंग लक्ष्मी समान ।
 मालसाई मज जारे राजुलक ध्यान ॥
 म्यल हैसौ वागेश्वरा बड़े भारी भीड़ा ।
 राजुलका दिल मजो मालसाई पीड़ा ॥
 दश देशा लोगा आरे कौतीका लै येती ।
 हे ईश्वरा भगवाना मालसाई कती ॥

गढ़ का गढ़ावा आरै गाती लगै बेरा ।
 दूरका दूर्यावा, आरै हुडुक ली बेरा ॥
 डेढ़ी टोपी वाल आरै सल्ट का सल्टीया ।
 चौकोटा भगनौला येती ठुल बल्लिया ॥
 कैंडारौ बौडारौ बटि बाइसा भै अया ।
 दस दस सेरक गन्या उनू परा हया ॥
 सुण ददा भोवले छा वागेश्वरा म्यल ।
 कौतिका जरुरै जाण आवा कस हल ॥
 बटी हाली सिका तवा गन्या ले बादनी ।
 बादि बुदि बैरा तवा पुठम लटकानी ॥
 भुजा जसा डाली रई पछिन पुठम ।
 बाइस भै आई नयी दगडै म्यलम ॥
 उनरा पू भोड़ा लागी है रैछा बहार ।
 सुणनेरा लोगे मजा दौड़ी गै लहर ॥
 भौड़े—छिलकिया राखी जइया ।
 लूणों की अलूणी हैगे छन खसमा ॥
 भावरा में वेथू खानी पहाड़ा सिसौण ।
 य ऐसी चतुरा नारी हमा छू भिसौण ॥
 तुम ना दोलो सासू भगडौ हैं जालौ ।
 भसड है बेरा कजीया मातलौ ॥

म्यर मैतका देशा पलंग बिछानी ।
 य यसौ पहाड़ा मि मज से जानी ॥
 भौड़ा गाने सब भाई ठाड़ कनी कमरा ।
 राजुलां पैं लागी गैछा उजरी नजरा ॥
 आंखों में चक्कर आगो सब गिरी गया ।
 एक मजा एक पड़ गन्या फूटी गया ॥
 गन्यांनूका यसा हया म्यल मजा हाल ।
 इनरता भौड़ा सुणी खुशी है राजुला ॥
 जगू जगू भौड़ा हैरै जंगु जगु गीत ।
 देश देशों खेल हैरै जैको जसा रीत ॥
 राजुला देखण लागी एक दना बटी ।
 दिला मजा खुशी हैगे भौड़ा सुणी बटी ॥
 धन धन यो मुलुक एतुक रंगील ।
 सबै ढूडी हलौ जबा मालसाई नि मिल ॥
 नि मिलन मालसाई है गेछा निराशा ।
 राजुला पहुंची गेछा वागनाथा पासा ॥
 हाथ जोड़ी अर्ज कनु धरि बटि ध्यान ।
 दयाला है जाओ तुम ईश्वरा भगवाना ॥
 मिली जो मालसाई मिके धरी दिया पती ।
 सबा लोग म्यल अया मालसाई कती ॥

कती म्यरा मालसाई अब क्या करनू ।
 मिले दिया स्वामी कणि अरज करनू ॥
 रुनै रुनै राजुलै की आंखी हैगी लाल ।
 बागनाथा मन्दिरमा फोड़िछा कपाल ॥
 जतूक समान ल्याय तुमुकै चढ़ाय ।
 म्यर स्वामी आग येती किलका निआय ॥
 भेट ले पावडी मिलै तुमुकै चढ़ाई ।
 म्यर दुख देखि स्वामी दया लै नि आई ॥
 क्या करनू कथां जानू कसीक देखनू ।
 मालसाई कणी आव कसीक मिलनू ॥
 रुनै रुनै राजुला लै जोड़ी रई हाथ ।
 दयाल है जानी तबा श्री बागनाथ ॥
 राजुला हालत देखी हिया भरी आंछ ।
 आंख मजा आंसू आनी सोंण भुली जांछ ॥
 राजुला मनम कैछा तबा ऐसी बात ।
 मैं कुछीया छुला तुम एति बात ॥
 आफी रुण तुम लागा सर्व शक्तिमान ।
 केकी शक्ति तुम मजा क्याका भंगवान ॥
 तुमु मजा शक्ति इनी तुम किलै रुना ।
 हमू कणि आज येता जरुर मिलना ॥
 गुस्स आगो राजुला कै रुण देखि बेर ।
 फोड़ि दिया एक आंख आग लगे बेरा ॥

बागनाथा स्वामी तब नाराज है जानी ।
 राजुला कै नुं बखता फिटकारा दिनी ॥
 भक्त हव भेट तेरी भक्त हवो साथ ।
 भुली जाये वीती बाट विगड़ी जो वाता ॥
 जो तिहांता विप छायो भक्त आवा काम ।
 म्यरती सराफ छा यौ है जालो बेकाम ॥
 जब कती फाम आली उलट है जाल ।
 बागनाथा वाणी छिया कसी हव भल ॥
 येतु सुणि राजुलता है गेछा रमाना ।
 मन मजा करी रोछी मालसाई ध्याना ॥
 स हल देखी जाल गिवाड़ा मैं जानू ।
 मैं आणा मानसाई कणि मिली आनु ॥
 हला म्यरा इष्ट देवा वोती पुजै दिया ।
 मेरी पती कणि तुम आज धरि दिया ॥
 मन्दिरा व म्यार आई वट्टा लागि गेछा ।
 बागेश्वरा गरुड वै कौस्याणी आ गेछ ॥
 मालसाई ध्यान हैरो राजुला मनमा ।
 सुमेश्वरा वटो ऐगे विन्दिया स्वरमा ॥
 कहैड का कोटा हल कउवा कहैडा ।
 छ ज्यला नो नाती वीक भैसिया छे बडा ॥
 नागुली भागुलो भैना बड कार वार ।
 कहैडका कौटा रजा हे रुणि जिहार ॥

कती गया बाज्यू कनी बुढ़ापो उमरा ।
 भंगुवा कं हली कनी बुड़ की खबूरा ॥
 भगू कुछां मै वतानू करो लिया फामा ।
 बुड़ कैगो बिन्धा स्यरा सव म्यर नामा ॥
 स्यरता लौ त्यरा नामा तु प्रतौ वतैदे ।
 हमरा लौ बाज्यू कणी हमूकै दिखदे ॥
 येती एछा एक तिरी लट्ठा कसी थाना ।
 उनका पछीना बुड़ी है गोछा रमाना ॥
 द्विया भण नहै गयी भटकोटा डना ।
 वोती बूड़ी लिया तुम हनला उपना ॥
 येती सुणी च्यला नाती घर वटी गया ।
 भटकोटा डना तवा खोजण लै गया ॥
 खोजनै खोजनै जवा वोती पूजी गया ।
 च्यला कनी बाज्यू तुम येतो कती आया ॥
 राजुला पै लागी जवा उनरी नजरा ।
 नाती च्यल कणी तवा आई गो चक्कर ॥
 बुड़ कुछा कैदे च्यला कैजा लौ पैलाका ।
 एक बार केदे नाती आमा लौ पैलाका ॥
 नाती च्यला कनी तवा पैलाका नि कनू ।
 य तिरिया कणी अब हम लंक लिनू ॥
 द्विया सौ चालीसै है हथ तेरी उमरा ।
 कस कछा इमाह अब आई जावो भ्यार ॥

गुस्स ऐगो कउवै कै आई गोछ भ्यार ।
 बुड़े मजि पड़ि गेछा च्यल नाती मार ॥
 च्यलका तरफ जाँछा नातो दिनी मारी ।
 नातो की तरफ जाँछा च्यल लोनी थूरी ॥
 वय करुछा कऊ अब बुढ़ापो उमरा ।
 च्यल और नातियों लै टोड़ी दी कमरा ॥
 तब कुछा च्यल हाँती सुणो मेरी बाता ।
 रणजीत तलवारा थमै दिया हाता ॥
 गरदना वील मेरो तुम काटी दिया ।
 भैसियों मुरली म्यर सुख लगै दिया ॥
 काटौ हैचा गरदना हयौ स्वर्गवास ।
 तिरिया कारण च्यल निउठना लास ॥
 च्यल कनी य तिरिया हमुलै ब्याहाणी ।
 नाती कनी य तिरिया हमुलै लिजाणी ॥
 च्यल और नातियों की ऐसी हैरे बाता ।
 पैली सब हिटौ कनी कूला बुड़ गता ॥
 पैली कुला बुड़ गता पैजसो जो त्यल ।
 वीकी य तिरिया हई जो पैली ए जाल ॥
 लिन्है गई बुड़ कणी, तिथाण जा छिया ।
 आग लगै बेर तब बुड़ छोड़ी दिया ॥
 दौड़ लगै बेर तब बुड़ छोड़ी दिया ।

नौदो नौदो सारी नौदो नौदो

करण लैरया तब राजुला
 नि मिली राजुला जब तब गय घर ।
 बुड़ मारी हाचा कनी कब भर फर ॥
 काटीठा वाकर तब लघड़ा पकाया ।
 अथजली बुड़ कणी घाट छोड़ी आया ॥
 मुख परी जगै रछी, भैसिया मुहली ।
 बोल सुणी भैस आया भगुली नागुली ॥
 अथजली गुसुं द्रख हिया भरी आया ॥
 द्वि भैसु आख मजी, सीण भुलि गोय ॥
 कसा खाची त्यर भरा खबकी पराता ।
 आटा का ढिब खाया, भुगरी क भाता ॥
 आज गुसुं कसी हुई, अधोगति तेरी ।
 आय गुसुं को करलौ पालन हामरी ॥
 भैसुलै धकेली बेरा गाड़ खेती हाचा ॥
 गंगा ले ऊ तैवखता लाल लगे हाचा ॥
 गंगा केछा भैसु हात यौ पापी छी वड़ ।
 तवता चयलूँ येती य यसीकै ह्यड़ ॥
 निराशा है गया भैस वीती व ए गया ।
 आधीन का हाल तुम अब सुणि लिया ॥
 जै बखत कजवा कै तिथाण लि गया ।
 राजुला का इष्ट तब दयाल है गया ॥

भुलने भटकने तवा द्वारहाट ए गेछा ॥
 द्वारहाट में हय भाई पदुवा द्यवावा ।
 तीन पट्टी रजा हैरै वीकी बड़े गावा ॥
 राजुला पे लागी जवा पदुवै नजरा ।
 होसत बिगड़ी गेछा आ गोय चकरा ॥
 ककीता तिरिया छै तू कती बटी आई ।
 हिट म्यर घरा खाली दे दूध पराई ॥
 वार बिपी भैस म्यर बड़े कारवार ।
 एस व आराम कली हिट म्यरा घर ॥
 लि गोय राजुला कणि वांसुई का खाना ।
 राजुला पदुवै हांता करीछा वयान ॥
 बाज्यू ल्याछी येती म्यर बकरू लदान ।
 कती काटा बकरू का हात खुटा कान ॥
 पदु कुछा त्यरा बाज्यू बकरा यां मारा ।
 बी दिना बे कनी वहाँ सौकक उड्यारा ॥
 पदुवै है राजुलता तब यस केछा ।
 कि ल्याछला पाणि तुम तीस लागी रेछा ॥
 पाणी ल्याण पदु गोय ठेको लेई बेरा ।
 उल्टी ठेकी धर मुण लागी भुली बेरा ॥
 सारे भिजि गोय पदु तब आई होसा ।
 नसी गो राजुला तब पजी कतु कोसा ॥

एक डवा खुना मजी वाकी गोछी धोती ।
 पाणी ठैही लीई ब्रेर पदु आयवोती ॥
 मन्द मन्द हवा चली धोती ले हिलीछा ।
 मनमा पदुवां कुछ थ किले रिसेछा ॥
 ले तू सुवा पांणी पीले कय बात है गोछा ।
 धोती उठे सख जव देखिया रँ गोछा ॥
 उ उठयारा खेत वटि आगे खिन खावा ।
 मिताई का खावा वटि धीरे पीडी खावा ॥
 राजुला पहुची गोछा महर्वा कोटा ।
 सात ली भाई की बीती मिली रेछा जोटा ॥
 धूम धाम महरो की बड़े कार वार ।
 आपण इलाक मजा है रयी जिहारा ॥
 सात भै उघाणा गया जमोन रकमा ।
 गउवा पहरी कणी लीगया संगमा ॥
 सात भाई ध्वड़ मजा है रयी सवारा ।
 गउवलै जती तर्वा करछ तयारा ॥
 ध्वड़ सजै सात भाई है गया रमान ।

पुजी दिया बेराठ में, मालसाई पासा ।
 जय करला इष्ट म्यरा तुमरी छ आसा ॥
 भवड़ गया बटा पना जती गोय खावा ।
 गऊं कुछा अवा म्यर आयी गोछा कावा ॥
 है है कनी जती जवा पार लें करछा ।
 दौड़ने व्यरका बुजा जतीया घुसछा ॥
 तवा जती छोड़ी हाछा आ गोछा बटमा ।
 पडीगे राजुला तवा विका नजरमा ॥
 दौड़ने दौड़ने हैगो जां गछी महरा ।
 उनू कै बताछ तवा राजुला खबरा ॥
 तिरिया छा एक कुछा भली छि देखणी ।
 जरूर बनावो गुसै अपनी ले राणी ॥
 सात भाई आई रयी राजुला का पासा ।
 उनू देखि राजुला है गोछा उदासा ॥
 हिट वे तरिया कनी तू हमरा घर ।
 चारों प्रद्वी रजा हम ठुल कारो बार ॥
 राणी बनी बेठी रली करली आराम ।
 वेठाईछा उनूलेता राजुल ध्वड़म ॥
 सात भाई घरा गया खुशी हया मारी ।
 वामणा बुलाई बेरा आंचवै की ठारी ॥
 राजुला के हई गोछा आपणी फिकरा ।
 हनला कवे इष्ट तुम सेतुव ले म्यरा ॥

धरि दिया पति मेरी रैजो म्यर मान ।
 इज्जत कै धरो दिया ईश्वर भगवान ॥
 मण मण नेतर छोड़ो डाड़ लै मारिछा ।
 पतिव्रता नारी आज कसीका वच्चीछा ॥
 मेरोयो पुकार कणी सुण गंगा माई ।
 कसी मुसीवते आज मिपारी आई ॥
 दयाल है गयी तव ईश्वर भगवान ।
 राजुला का दिल मजा देई दिया ज्ञाना ॥
 राजुला का आंगुली में हीर की मुनडीं ।
 वाई गेयी अन्चव की जौ वखत घडीं ॥
 हीर की आंगुठी दिदि वामणा जी कणी ।
 आज तुम पण्डित ज्यू बचाया मकणी ॥
 आज मेरी इज्जत कै तुम बचै दिया ।
 परदेशा मजा मेरी लोज धरो दिया ॥
 ज्या करला वामणा ज्यू धरम बचया ।
 इनरा लौ हात बटी मिकणी छुटाया ॥
 पंडित जी यस सुणी लगना मिलानी ।
 सार्त भाई हाँत तव येसी बात कनी ॥
 सब लगन ठीक छिया एक बात खास ।
 घुसी बेरा जो लै आला तुम म्यरा पास ॥
 कुलक्षणी सौणी छा य ध्याना लैं धरणौ ।
 येती कणी आई बेरा विलैं मणि जाणौ ॥

घक है मे सबु कणी है गयी हैराना ।
 को इनी कारण कुछ आपणी जवे राना ॥
 सब कनी खोलो छवो समर आंचल ।
 कनी कै निकालो अलैं जो चहंचा भल ॥
 पकड़ी राजुला तव नंगी करी हैचा ।
 बगसा में बन्द करी गाड़ बगी हैचा ॥
 कत्यूर की वाआ अब बगण ले रौछा ।
 मन मज मालसाई सुमरण कैछा ॥
 हनला वने इष्ट देवा कत्यूर का आज्ञा ।
 कत्यूर की वान छू मैं धरी दिया लाज ॥
 नौ लाख कत्यूर तुम आज कतीं पया ।
 मैलैं मरी जाण आज्ञा तुम बैठी रया ॥
 कत्यूरा के वीराठा में वतानी हूरा ।
 आलोपा है गया आज तुम बैठी गया ॥
 कत्यूर की देवी तवा देखी रेंछा हाल ।
 गुस्सा मजो भर गेछा आख हैगे लाल ॥
 देवि लैं चिधार मारी करूछा हुकमा ।
 सुणि ले तू रामगंगा रहए सतमा ॥
 कत्यूर की वानाछा त दुख भन दिए ।
 इनी कणि नि डुबान सत पारा रये ॥
 गाड़ लैं लहर मारी किनारा लगाई ।
 राजुलैं की देवि लैं ता इज्जत बचाई ॥

रेशमी कपड़ा द्वीया द्वी डाली जेवर ।
 राजुला पै येसी हैचा देवा की मेहरा ॥
 बराठ में आई गेछा अब ल राजुला ।
 खोजणता लागी रैछा स्वामीक महुला ॥
 पुजी गे राजुला तबा मालसाई घरा ।
 बुकणी कुकूर मिलो मालसाई द्वारा ॥
 राजुला कै देखी बेर कुकूर भुकूछा ।
 राजुला सोचण लागी यू कसी मरुछा ॥
 होतहार है बै रैछा ईश्वरा का हाता ।
 बागनाथ बोल छिया बिगड़ी गे बात ॥
 याद आय विष तब धमेली धरिया ।
 निकालौछा डब तब विषक भरिया ॥
 फूकी हवा विष तबा सब फैली गोय ।
 बैराठ में सब कणी विष लागी गोय ॥
 सबता अचेत हैगी पड़ी गेछा लासा ।
 राजुला पहुँची गेछा मालसाई पासा ॥
 सुनका मंहल दयखा सुनका पलंगा ।
 राजुला बहैटी गेछा मालसाई संग ॥
 सुनका तखत परा मोत्यों का झालर ।
 हीरा छै जड़ीया वीक चारपाई पारा ॥
 मखमला बिछा हवा सदा रेशमी का ।
 चुटका विछिया वीती खाडुकी ऊनका ॥

मालसाई देखी राछा घोलक कफुवा ।
 खाट मजा लेटी रीछा मुनीकी डाकुवा ॥
 मालसाई रेई रीछा नीन पड़ी रैछा ।
 उठो २ स्वामी म्यरा वाजला जागैछा ॥
 ठाड़ उठो म्यरा स्वामी निहोवौ निरास ।
 राजुला बहैटी रैछा य तुमरा पास ॥
 तुमरा कारण स्वामी कस कस छख ।
 किलै पलट छै स्वामी अवा तुम मुख ॥
 तुमरा कारण मैले छो निछख घाम ।
 ईथां उथां लटकैछा केई कस खाम ॥
 निउठ मालसाई जब रुदन मचैछा ।
 ईथां उथां दिवास्तै सिर कै फोड़िछा ॥
 कथां जानू प्रभु अब क्या घना करनू ।
 मालसाई कणि अवा कसिक जगानू ॥
 भोट बटि येती आय तुमर कारण ।
 उठो म्यर स्वामी तुम निभाव परण ॥
 प्राण पति उठो म्यर अब नींद त्यागो ।
 येती ऐरे प्राण प्यारी अब तुम जागो ॥
 हे ईश्वरा भगवाना क्या बात है गेछा ।
 आज परदेशा मजा मेरी लाजा जैछा ॥
 हनला क्वे इष्ट देव कत्यूरका आज्ञा ।
 धरी छला तुम मेरी आज येती लाजा ॥

भोटकौ मैं येती आयी कतू दुख पायी ।
 अपण मां बातू कणि ज्यौनै छोड़ी आयी ॥
 इजा बाज्यू छोड़ी आय भाग फुटी गोय ।
 ईश्वरा भगवान आज सब गया रूठी ॥
 कालैता निदेखी इजा य मेरी विपता ।
 कसी हयी आज येती मेरो अधोगता ॥
 राजुला कै भुकै हैगे आज कतू दिना ।
 कभणी टूटली कैछा मालसाई नीना ॥
 भितेर चेहाय जब मिलिगे राजुला ।
 खिचड़ी वनैछा तब वोती लै राजुला ॥
 जि उठा मालसाई जबा थालिमा परसौ ।
 राजुला कै मालसाई छुटिगो भरसो ॥
 चिट्ठी लेखी हैचा तबा बनाई तस्वीर ।
 आज फुटी गोय स्वामी म्यर तस्वीर ॥
 तस्वीरम वनै हैच गज की धमेली ।
 म्यर नाम राजुला छा सुनपतै चेली ॥
 वचन कारण आयु मैं तुमरा पास ।
 है गोय वापस अब है बेरा निरास ॥
 तुमर कारण मिलै कस कस छस ।
 आखीर तुमलै मिक देई हाचा ध्वक ॥
 ज्यौन मां का च्यला हला भोट लै सादला ।
 मरी मां का च्यला बैराठा रहला ॥

ती लाख कत्यूर हला, तुम सच्चा च्यल ।
 अपण परण पारी भोट के सादला ॥
 च्यलो हला भोट आया राजुला कारण ।
 मैंता येती आई बेर निभैगू परण ॥
 ती लाख कत्युरा कणी, संग मजा लिया ।
 सब कणी साथ लिबै तबा भोट आया ॥
 कंठे भांजी बेरा तुम चिमट बनया ।
 तील भांजी बेरा स्वामी कुन्डल बनाया ॥
 जोगो भेष वनै बेर अचख जगया ।
 लछि गणि महरू कै तुम शादी आया ॥
 उनरा कुडक साड़ी कन धरो लिया ।
 पडुवा दूरयावा कणी तुम संग लिया ॥
 ऐसी चिट्ठी लेखी हैचा सिराछ धरिछा ।
 मालसाई मुख पारी खदन मचैछा ॥
 पलटी मे म्यर लिजी आज धरती माता ।
 छन दिन म्यर लिजी पड़ी गेछा राता ॥
 भन हवो कैक रामा गस निरभागा ।
 हिरदमा लागी रंछा विरहा की आग ॥
 मेई रया म्यर स्वामी अवता मैं जानू ।
 कलेजी का आग कणी कसीक बुझानू ॥
 द्वि हातुलै छाती पीटी कपाला फोड़िछा ॥
 लट्ट कस थाना कणी हाथू लै हिलैछा ॥

मालसाई खुटू मजा सीस लै नवाई ।
 हाथा जोड़ी बेर तबा बट्टा लागी भेई ॥
 कस छिया यौ मुलुक म्यर निरभाग ।
 आज छुट्टी गोय रामा मिलिया मुहाग ॥
 आज रुठी गया म्यर सब भगवान ।
 बैराठ बै राजुलता है गोछ रेवान ॥
 राजुला पहुँची गोछा अपणलै घरा ।
 राजुला मभू कणी खुशी है आपण ॥
 खुशी हैगी इजा बाज्यू धरी लिया ध्यान ।
 अब मालसाई को मै लेखनू बयान ॥
 बागनाथ बोल छिया राजुला कै जबा ।
 बैराठा में विष लाग सबू कणी तबा ॥
 भेट भन- हवा कौछी सुण ले राजुला ।
 राजुला जणम तबा उठा नना ठुला ॥
 जागत है गोछ अब राजा मालसाई ।
 राजुलकौ ध्याना आय रुधन मचाई ।
 थालिम भोजन देखी चिट्टी लै सिराण ।
 तस्वीरा देखी बेरा उड़नी पराण ॥
 सारी चिट्टी पड़ो जबा उठीगी जहरा ।
 महैडी कै पूजी गोछा च्यलैकी खबरा ॥
 पागला है गोछा कनी राजा मालसाई ।
 ठयका जसा सिर मजा आनण है गई ॥

धरमा दे पूजी गोछा मालसाई पासा ।
 क्या हैगोछा तिकै च्यला बात बता खासा ॥
 राजुला यां ऐछा इजा चिट्टी लिखी गोछा ।
 मकणी उ अबे इजा कसीका मिलीछा ॥
 क्या हैगोछा तिकै च्यला कसी कछै बात ।
 भोटकी यां कसो आली तिरिया की जात ॥
 नौ लाखा कत्यूर लिबै जब भोट जूला ।
 भोट जितो बेरा इजा राजुला व्यहूला ॥
 मालसाई हाल देखी मां कँछा सवाल ।
 क्या हणी बुलाछे च्यला ज्यौन जिया काल ॥
 निजा च्यला भोट देशा हट करी बेरा ।
 कवे नि आय भोट बटी ज्यौनै लौटी बेरा ॥
 जादू का पढ़िया हनी बोती मारी दिनी ।
 उनरा सामणा मजी कँकी निचली ॥
 मानी जा तू कोय च्यला नजा भोट हणी ।
 राजुला है भली वाना खोजुला त्यहणी ॥
 सुण म्यरा मालसाई मान मेरी बात ।
 तिकणी दिखूला च्यला सेणै की स्योरान ॥
 ऊ म्यला में आनी च्यला आठ पट्टी सेणी ।
 भली जो दखलै च्यला वनये मकणी ॥
 त्यर व्या मै करी द्यौला फिरी देखी जानी ।
 छांटी लिये म्यर च्यला राजुला है भली ॥

वीक बाद द्वारासाट सालदे म्यला जूला ।
 भली भली बाना वोती त्यहणी खोजूला ॥
 सोमनाथ हल च्यला गाँधी का गोवाडा ।
 नोवक दशरा च्यला हिटिए दवड़ा ॥
 मन कसी बान च्यला वोती खोजी लिए ।
 घर आवै उनी नामा राजूला धरिए ॥
 जतू म्यला हनी च्यला सवता दिखूला ।
 जस हल देखी जाल त्यरा व्या करूला ॥
 यस समझाय मां लै मालसाई जवा ।
 जिद करी मालसाई बाता कुछा तब ॥
 मैता नि मानून इजा तेरी एक बात ।
 जस हल भुगुनुला राजूला परसाता ॥
 मुख म्यरा च्यला कैछा निकना गुमाना ।
 नि रहोय आज तंका कैको अभिमाना ॥
 लंका पति रावण छी कस बलवाना ।
 नष्ट हैई गोय च्यला उलकी निधाना ॥
 तिकणी वतानू च्यला करिये विश्वासा ।
 कतू वारा वीले च्यला हिलै दी कैलाश ॥
 मुनकी छी लंका वीकी मुनका महला ।
 इन्द्रजीत जसा छिया रावण का च्यला ॥
 सीता जी कारण च्यला विगड़ी गे बात ।
 सारै मुणी लंका मजि पड़ि गेई रात ॥

सीता जी कारण वीक एक लै निरय ।
 सारै सुनै लका जली आफी मरी गोय ॥
 कीचक राक्षस छिया बडे बलवाना ।
 द्रोपदी कारण वीकी नहै गेयीं ज्याना ॥
 सासु को ता निरै च्यला हमता क्यां हया ।
 नजा च्यला भोट देश मानी जा तू क्या ॥
 सेणीयूका फन्दा मजा जो मैसा पढ़लौ ।
 एक दिन जरूरा ऊ धक्का खाई जालौ ॥
 मानी जा तू म्यरा च्यला नजा भोट हणी ।
 त्रय करली अवता य तेरी बैली सैणी ॥
 घर वार त्यरा च्यला इतरा छी राज ।
 रंगीला वैराठा कणि न उजाण आज ॥
 भोट सजा त्वीलै च्यला बडे दुख पाणा ।
 खेले निछा भोट बटी राजुल जितण ॥
 निमानून मालसाई मां की एक बात ।
 सवता करणी हयी ईश्वरा का हात ॥
 मालसाई पुजी गोछा कत्यूरों का पासा ।
 दवड़ा हिटलीं कतौ करी रैछा आसा ॥
 कत्यूरता भोट हणी मजूर निहाना ।
 विखिल उ भोट देशा हमता नि जना ॥
 गुस्ता हैवे मालसाई गोय गुरु घरा ।
 पकड़ुछा मालसाई डोल विजो सारा ॥

ढोल तब बाजी गोछा आ गोछा आवाज ।
 सब लै कत्यूर आगी छोड़ी काम काज ॥
 ढोल की आवाज गेयो बैराठ तमान ।
 नाचण भै गयो तुम् कत्यूर नमान ॥
 कय विपता पड़ी गोछा बैराठा तमान ।
 किलंकता आयी हली ढोल को आवाज ॥
 उठीगो जहरा जब छलागा लगानी ।
 रंगीला बैराठा मजा को ए गोछ कनी ॥
 जो जै रछी जती काय सब आयी गया ।
 कत्यूरा गुरुका घर जम हुई गया ॥
 ढोल पर शक्ति छिया सब आई गया ।
 भोट जणा लिजि सब मंजूर है गया ॥
 बुलै हैचा नाई तब सिर लै मुड़ानी ।
 नौ लाखा कत्यूरा तब जोगी बनी जानी ॥
 भाची हाली कड़े तब चिमटा बनाया ।
 तौला भाची वेर तब कुन्डला बनाया ॥
 चलना कत्यूरा तब कान लै फाड़नी ।
 रंगीला बैराठा मजा अलख जगानी ॥
 क्षत्री वंशी रजा छियो जोगी बनी गया ।
 राजुला कारण आज भोट देश गया ॥
 नि कण गुमान भाई धरि लिया ध्यान ।
 मालसाई मन मजा यस आय ज्ञान ॥

आनू कि नि आनू ज्याणि भोट वटी घर ।
 म्यर लै दधड़ा गया नौ लाख कत्यूर ॥
 भोट देश जाण लाख नाच देखी जुला ।
 बुलावो विजना कणी गांत सुणी जूला ॥
 को ज्याणी सकुला कय कय हेछा पछिना ।
 भोट जीती वटी ल्याणी आयुछा कैदिना ॥
 येसी वाता सुणी जब मालसाई रणि लै ।
 यूता गया भोट हणी याँ कय कणी मैलै ॥
 बैठ गे कुमनी तब मनमा विचार ।
 कससेणा राणी नागे विजन का घेरा ॥
 विजनै है वाता कैछा धरि लिया ध्यान ।
 मालसाई वर छलौ तिकणी निधाना ॥
 तै बखता मांगी लिया तुम लै मकणो ।
 मकणि दिदियो कया कमसेणा रानी ॥
 तबता विजना कुछ यस कसी हल ।
 मालसाई तै बखत वीती मारी छल ॥
 मैलै नि मन्नाण कुछा यस वर बोली ।
 तुमुलैता करी दिया वाता अण होती ॥
 कमसेणा राणी कैछा सुण मेरी बात ।
 विजनै लै कैछा कुला म्यहां वुरी बात ॥
 यात मैकें मांगी लिये नतरा देखलै ।
 म्यरा फन्दों वटी आज कसीका वचलै ॥

विजना आगोछा तब नच्याण लि बेरा ।

सबू दिल खुशी हैगो नाच देखी बेरा ॥

मांग रे विजना कय मन कस वर ।

ज्याणी कब आनू हम भोट बटी घर ॥

घेल मांगी विजना ली तीन ली वंचन ।

पछिना कमसैणा राणी मांगुछा विजना ॥

मालसाई तै बखता टूटि गे कमर ।

विजने ली करी दियो आज यां घन्धेर ॥

राणी की करतूत छा य वामण लें कय ।

मालसाई कणि तब सबुलै समझाय ॥

मालसाई मन मजा करुछा विचार ।

घरै बटी देखीं गेछा हमरो यी हार ॥

घरै की जो राणी छिया उलै गोयू हारी ।

ज्याणी यो खोपड़ी अब आधिला कयकरी ॥

देखी जाल जस हल राजुलौ कारण ।

चाहे भोट मरी जूला नि छोड़ू परण ॥

चलना कत्यूर तब बट्ट लागी गया ।

कानू का कुण्डल तब हिलाण लै गया ॥

गज का चिमटा तब हाथ लै थामनी ।

नी लाख कत्यूर सब अलख जगानी ॥

जै जिया जै गुरु कनी नी लाख कत्यूर ।

पदुवा दर्याव गोय भारी सूर बीर ॥

राजुला कारण आज बेराठा छोड़ना ।

क्षत्री वंशी रजा अब अलख जगानी ॥

कत्यूरों की फीज न्हेंगे महर का कोट ।

महर का दिल मज लागी गेछ कोट ॥

कत्यूर का जाण मज उड़ी गेछ रेत ।

लछ गछा मेहरता है गयी सचेत ॥

कय बात है गेछा आज कां वै उड़ी धूल ।

को ऐ रोछा फीज लिवै सब मारी बुल ॥

लछ गछ मेहरता है गया तैयार ।

साब भाई ध्वड़ मजा है गया सवार ॥

महर का कोट पूजा चलना कत्यूर ।

महर पै बिगड़ी गो बगेर कसूर ॥

मार बाट मची गेछ द्वि दखू बीचमा ।

क्षत्री वंशो च्यला छिया पड़ी गो रणम ॥

भरी गयी गुस्सा मजा हैगे मार मार ।

खून कौता गंगा बगी लाशों की दोवार ॥

चलना कत्यूर कणी उठी रै जहरा

कत्यूर दघड़ अब निपड़नी पारा ॥

सब मारा बेर तब बनाय मैदान ।

बट्टा लागो गया तब कत्यूर नमाना ।

सात भाई लछा गछा सब मारी हाली ।

महर की कुड़ी कणी करी गया खाली ॥

चलना कत्यूर गया भटकोट डना ।

कउवका च्यलों कणी मारी गो उपना ॥

दिण पंणी लुतलेख गया सुमेश्वरा ।

कोस्याणी क खोल छोड़ी लाग वागेश्वर ॥

कठैती की बाड़ी गया सरयू है पारा ।

जूहार खनकर छट लाग मुनस्यार ॥

नौ लाख कत्यूरा भूजा घिनडी का खेता ।

लागी गोछु भोटकनी है जावो सचेता ॥

गुरुलै मतरा मारा बनाया घिनोड़ा ।

नौ लाख कत्यूर तब आकाश में उड़ा ॥

घिनडीक खेत है रौ नी ढक घान ।

खबरा पहुंची गोछा सुनपत पासो ॥

सुनपत सौक तवा है गोछा तैयार ।

गुरु कणी बुले वेरा मारदी मंतरा ॥

कत्यूर घिनडा छीया सौक बना बाजा ।

जादू की लै मार हैरे द्वियें दलौ मजा ॥

बाज देखी गुरु तवा जादू लै मारी ।

नौ लाख घिनड कणी विराव बनानी ॥

गुरु गुरु मज हैरे जादू की लै मार ।

बड़ी युद्ध हई रौछा है रे हा हा कार ॥

येतुका बीचम तब मालसाई खास ।

घुगुत बनाई भेजौ राजुला क पास ॥

घुगुत पहुंची गोछा राजुला का द्वारा ।

तवा लागी गोछा भाई राजुला नजरा ॥

सुण सखी यो घुगुत को देशकौ हलौ ।

येतुका सुन्दर रंग मिकणी खे धलै ॥

तू यकणी देखि रये मैं पिजरा ल्यानू ।

सुनका पिजरा मजा इकणि पालनु ॥

राजुला भितेरा गई विरावौ छी भ्यारा ।

घुगुतौ पकड़ौ वीलै बनाय सिकारा ॥

सखी लै किलकारी मारी राजुला लै सुणी ।

बिरवैलै मारी हाचा यो घुगुतै कणी ॥

भ्यार आई वेरा तवा आंसू लै ढाईछा ।

बिरवा का मुख बटी घुगुत छुटैछा ॥

कतीक जनम त्वर का आये मरण ।

ज्याणी येती आछिये तू क्य वाता कारण ॥

घुगुतै के देखौ वेरा सपना मचैछा ।

मरिया घुगुतै कणी पिजरा धरीछा ॥

फूल का पेड़मा कैछा पिजरा टांकूला ।

राती ध्याल फूल कणी पाणो दिण जेला ॥

उड़ी गोछा हंसा तवा पड़ी रैछा लासा ।

स्वपना है पूछो गोछा गुरु जी का पास ॥

मारी गोयू गुरु जी मैं राजुला का द्वारा ।

सुनका पिजरा मजा इकणि पालनु ॥

गुरु जी की नीन खुली उज्याव है वेरा ।
 एक लै कत्युरा भेजा बाज वनै वेरा ॥
 पिजरा तू उठै लिए डर भन खये ।
 रुकणों की काम निछा वेरे लौटी अये ॥
 बाज बनी नसी गोछा पिजर उठाय ।
 धुगुती समेत लिवै गुरु पासा आय ॥
 पड़नी मंतर गुरु जीविता बनानी ।
 नौ लाख कत्युरा सवा खुशी हुई जानी ॥
 फिरी मालसाई कणी बनाय फकीरा ।
 भोट हणी नसी गोछा, क्षत्री वंशी बीरा ॥
 राजुला का द्वारा परा अलख जगाई ।
 भिक्षा दिण जोगी कणी तथा सखी आई ॥
 नि ल्यनू मैं कोरी भिक्षा चाहे कुछ करा ।
 राजुला कुमारी कणी भेजी दे तू भ्यारा ॥
 कुंवारी चेलीक हाता मिलै भिक्षा पाणी ।
 नतरा सराप दिनु आज तुमु कणी ॥
 लाचार है वेरा सखी नसीगे भितेरा ।
 सरापा दि जानू कोछा गुस्सम है वेरा ॥
 दि आ तू राजुला कय भिक्षा साधू कणी ।
 नतरा फिटकार चल आज हमू कणी ॥
 राजुला तवा भितेरा वै भ्यारा ।
 जवा साधू हाता पारा ॥

नि लिनू मैं कोरी भिक्षा कती यो पकाणी ।
 दया जै करछा जवा, भोजना खिलाणी ॥
 कय करीछा राजुलता, है गेछा उदासा ।
 कसीका भेजनु अवा, साधू कै वापसा ॥
 भोजन बनाया तवा भ्यार वै बुलाय ।
 साधू जी भोजन करो राजुला लै कय ॥
 सिद्ध महात्मा कनी, सेवा पूरी करी ।
 पैली धुणी खुटा म्यरा पै भोजना धरी ॥
 येतु मे राजुला कोछा, यो कसीक हली ।
 पतिव्रता धर्म म्यर, सब डूवीं जाली ॥
 सिद्ध महात्मा कनी, मैता नि जाणनू ।
 या धुलाली खुट म्यारा, या सरापा दीनू ॥
 राजुला कै हैई गेछा आपणी फिकरा ।
 खुट धुनु पति धर्म है जांछ वेकार ॥
 पाणी क लोटिया लियो, दूर वै फैकिछा ।
 पाणी का डालणा मजा खुट चूमकैछा ॥
 राजुलता मन मजा, करीछा विचार ।
 साधु तिछा महात्मा छा राजकुमार ॥
 पच्याणी गी दिया भण खुशी हुई गई ।
 खुशी खुशी राजुला लै दिया खुट घवयी ॥
 एक थाली मजा कनो दगड़ै भोजना ।
 खुशी लैता भरी रौछा दिया भणु मना ॥

हिट मेरी राजुला तू अब नसी जुला ।
 धिनड़ी खेतमा फिरी आरामा करुला ॥
 द्विवा भूण नहै गया धिनोड़ी खेतमा ।
 खल बली मची गोछा राज महलमा ॥
 चोरी गे राजुला कनी कत्युर लि गया ।
 भोटियू का गुरु तबा तैयार है गया ॥
 भोटियों का गुरु तब जादू लै मारनी ।
 जतुका भोटिया छिया सरप बननी ॥
 कत्युर का गुरु जबा यु हात्ता देखनी ।
 नौ लाख्वा कत्युर कणी नेबला दनानी ॥
 मारा काटा मची गे द्विनु का बीचमा ।
 जंग छिड़ी रैछा रामा गिनड़ी खेतमा ॥
 धवडाई बेर भोटो अग्नि बरसानी ।
 नौ लाख्वा नेबला तबा जलण भै जानी ॥
 कत्युर का गुरु तबा बारिषा वर्षानी ।
 सौणा भादौ कसी भाई भडी लगै दिनी ॥
 जादू को लै मारा है रै बडी जोरा ।
 सारा भोटा मजा भाई मची गोछा सौरा ॥
 भोटियू लै आकाश में धुवा लै फैलाय ।
 कत्युर का गुरु जी लै तूफाना चलाय ॥
 चलो गोछा आंधी तथा हैगे हाहा कार ।
 कत्युर दधड़ हैगै भोटियु की हारा ॥

जीती गया अब कनी तुमु लै राजुला ।
 विधि विधान लै अब व्याहा करो घूला ॥
 एक दिना रुकी जावो आरामा कराला ।
 भितुरा है गया अब भोजना करला ॥
 येतु मजा पदु कुछा मैता अब जानू ।
 भैस भयरा भुके हैंल अब नि रुकनू ॥
 पदुवता घर आय कत्युरा लै उती ।
 हरी भगवाना सवा देई दिनी मती ॥
 वैठीगे कुमती तबा बीती रुकी जानी ।
 सौक ले कत्युर हणी लगडा पकानी ॥
 नौ डाली लगडा बना आधुका विषका ।
 कत्युरा दगडा भाई यस कनी ध्वका ॥
 नौ डाली लगडा त्यया कत्युर का पासा ।
 भोटियुक कत्युरकै नि आना विश्वासा ॥
 क्षत्री वंशी च्यला छिया अजमैसा कनी ।
 एक पूरी उठै बेरा कुकुरै के दिना ॥
 किसमत बिगडी गे तब कत्युर की ।
 कुकुरै कै पूरी नै गे विगर विषकी ॥
 तब कनी के निय हय य कुकुरै कणी ।
 को ज्याणी सकुछा रामा ईश्वरै करणी ॥
 राजुला समेत बैठा करनी भोजना ।
 कसी माया रची रेछा ईश्वरा भगवानी ॥

नौलाखा कत्यूर कणी विप लागी गोछा ।
 हंसी उड़ी गोछा रामा नाश पड़ी रैछा ॥
 भोट रहै गया आज राजुला कारण ।
 हरे रामा हरे शिवा उड़नी पराण ॥
 कामयाव हई गया भोटयु की चाल ।
 कत्यूर दधड़ भाई वुरौ रची जाल ॥
 खुशी हई गया तवा भोटिया तमान ।
 कनी सोची घर बटो क्या हय निधान ॥
 ज्यान जिया रजा छिया रंगीली बैराठ ।
 आज दुनिया मा कनी सवा पूज पाठ ॥
 धन धन तुम देवा धन छा महिमा ।
 अमरा है गोछा नाम आज दुनिया मां ॥
 तुमु कणी पूजा दिनी देवता समान ।
 गरावू पै दया कण य तुमर काम ॥
 तुमरी लै पूजा हैचा घर घर आज ।
 जाकणी विपता पड़ो करनी अरज ॥
 अवा सुणी लिछा तुम गरीबु पुकार ।
 दयाल है जया तुम नौ लाख कत्यूर ॥
 रोज जय जय कारा रैजो, तुमर दरबारां ।
 दुनिया मा नाम रैजो, घरती की चारा ॥
 पति धरी दिया, ईश्वर भगवाना ।
 गरीब छु लोग हम, मूरख अज्ञान ॥

य कितावा मजा लेखी, तुमरा ध्यान ।
 तुमरा चरण छू में, धरी दिया ध्यान ॥
 नौ लाख कत्यूर तुम, दयाला है जया ।
 पढ़नेरा मुण तेरा, अमर की काया ॥
 धन धन हरी तुम, धन तेरी माया ।
 कसा कसा खेल स्वामी, तुमुलै रचाया ॥
 गरीबु की पति प्रभु, तुमुलै धरणी ।
 तुमरा छा हाता स्वामी, सब लै करणी ॥
 थोड़ा बाता भाई लोगो, लेखनू अपण ।
 भलौ वुरौ जसौ लेखी, तक नी मानण ॥
 मुणी म्यरा भाई बन्दों सर्व श्री मान ।
 गरीबों को चयल छू में, मूरख अज्ञान ॥
 मुणी सब भाई बन्धों, मैं हाता जोड़नू ।
 जो कूछा गलतीयां हली, माफी मैं मांगनु ॥
 वागगिरि नामा म्यर, अमरीली ग्रामा ।
 पट्टी पल्ला तया मेरी, अलमोड़ा जिलमा ॥
 भौता साला बटी भाई, परदेश रनु ।
 दिल्ली मजा प्राइवेटा, कामा मैं करनु ॥
 गरीबी कारण भाई छोड़ौ घर बारा ।
 घर याद आई जाछा बार व त्यौहारा ॥
 बोज्यु छी मोहन गिरो अमरीली वासा ।
 सन साठ फरवरी हया स्वर्ग वासा ॥

तेर साला हनी अबा, बौज्यु मरी गया ।

अमा बुबु तवा भाई, म्यर ज्यौन हया ॥
को ज्याणी सकुछा भाई, करमें खिचडी ।

जथा जाण भाई बन्धों, करमा दगडी ॥
अमा बुबू पर लोगों, बुढापी को कान ।

दुख सुख कैका कैला, कसीक निजान ॥
येनु बात लेखी दिनु पत लै आपण ।

नक भल जस छा य नक नि मानेण ॥
सब भाई बैणि हणि, हाता जोडी म्यरा ।

पढनेरा सुण नेरा, हैं जथा अमरा ॥
॥ समाप्त ॥

हर प्रकार की धार्मिक, कर्मकाण्ड, पूजा पाठ, ज्योतिष, किस्से, कहानियाँ, उपन्यास, वैद्यक, नाटक, संगीत, टैक्निकल, इण्डस्ट्रियल, कुमाउन्ती गढ़वाली, नेपाली गीत, नये साल की डायरियाँ व जन्त्रियाँ, कलेण्डर, पं० रामदत्त व भास्कर पंचांग, कृत सम्बन्धी कागियाँ व समस्त स्टेशनरी मिलने का एकमात्र स्थान :

ठा० आनन्दिह हरीसिंह एन्ड सन्स

लाला बाजार, अल्मोड़ा

कमाऊनी साहित्य मुद्रक, बाजार सोता राम दिल्ली-६